

№ 89. 1684 г., декабря 11. Грамота патриарха Московского
Иоакима епископу Луцкому Гедеону Святополк-Четвертинскому с
выражением поддержки и похвалой за его верность православной вере

Л. 220

²Иоаким¹, милостию Божиею патриарх царствующаго великаго града
Москвы и всея России².

О³ Святем Дусе наша мерности сыну, преосвященному Гедеону,
епископу Луцкому, благословение.

Прияхом писание святыни твоя к нашей мерности, чрез которое
известихомся прибытия твоего ныне в Малую Россию. Желаем убо, яко
такое обуревание на святую Восточную православную церковь во стране
той воста от злых человеков, иже на истинное благочестие устремишася
злбне и отвратити в след суетномудрия своего овцы Христовы тщатся (от
чесого и святыни твоей отсутствие сотворися)⁴, имже вемы, яко суд Божий
противящимся истине и свое их пагубоносное мудрование хотящим
поставити не укусит. Весть бо Господь Бог благочестивыя люди от напасти
избавляти и защищати Церковь свою.

Благодарим же Всетворца нашего Бога о твоей святыни, яко даде тебе в
толика лета от таковых наветов терпение⁵. //

Л. 221

Любезно же хвалим и усердие святыни твоя⁶ во благочестии твердое,
в православней кафоличестей вере и в мудровании святых Восточных церкве
непозыблемое,⁷ и еже отеческих преданий и учений хранитель, и веры
боронитель явился еси крепок,⁸ понеже земных ради вещей и сладостей мира
благочестиваго Церкве святых мудрования не восхотел еси богомудренно
предати [яко же слышахом инии тамо честнии церкве уди сотвориша,
возлюблше суетный мир]⁹, но изволил еси авраамски и моисейски, ради
истинства, от своих сущих странствовати, нежели имел что, согласие со
тщенномудрыми стяжати.

Тем же преблагий наш Творец и Владыка вся в себе содержащий, да
сотворит всемо тамо православным христианом оборону, яко же весть его
божественная воля.¹⁰

И о сем Его долженствуем молити, в твоей же святыни все в полезное
да устроит zde дай, в препровождении жизни благопотребство, в небесех же
блаженство вечное, его же и наша мерность твоей святыни получения имеет
желание. Аминь.

¹ Слово написано крупными буквами.

²⁻² Текст, кроме первой буквы [«и» (десятеричное)], написан красными чернилами.

³ Буква («омега») написана красными чернилами.

⁴ Фраза заключена в круглые скобки в рукописи.

⁵ Слово вписано в строку.

⁶ Двоеточие стоит в рукописи.

⁷ В рукописи стоит двоеточие.

⁸ В рукописи стоит двоеточие.

⁹ Фраза заключена в квадратные скобки в рукописи.

¹⁰ В рукописи стоит двоеточие.

¹²Писася в царствующем великом граде Москве от мироздания 7193-го лета,¹¹ от спасительнаго же воплощения Единороднаго Слова Божия 1684-го, индиктиона 7-го, декемврия месяца 11-го дня¹².

¹³При сем от наша мерности святыни твоей в требование десять рублей послася¹³.

Отдел рукописей Российской национальной библиотеки. Ф. 588. № 1115. Л. 220 об.–221. Копия из рукописного сборника «Икона, или Изображение великие соборные Церкве...»

Опубликовано: Архив Юго-Западной России. Ч. 1. Т. 5. № 7. С. 44–46.



¹¹ В рукописи стоит двоеточие.

¹²⁻¹² Фраза написана более крупным почерком, чем основной текст документа.

¹³⁻¹³ Фраза написана более мелким почерком, чем основной текст документа.